

公出書示之客曰此孔子書乃夏禹科斗文也文曰告韓滉
謹臣節勿妄動公異之韓自是拱默克保終始

巽二起風葛三避雪

幽怪錄晉州刺史蕭至忠將以臘日畋遊有樵者於霍山見
一長人俄有虎兕鹿豕狐兔駢匝長人曰余元冥使者奉北
帝命臘日蕭使君獵汝等若干合鷹死若干合箭死有老麋
屈膝求救使者曰東谷巖四善謀羣獸從行薪者隨覘之茹
堂中有黃冠一人老麋哀請黃冠曰若令滕六降雪巽二起
風則蕭使者不復獵矣薪者回未明風雪彌日蕭使君不出
廣記崔希真善攻畫好修養一日大雪中見一老人蓑衣避

道藏輯要

三洞群仙錄

重

巽集五
八廿文

雪門下崔邀之家與老人同入至幃幄前老人顧望倏忽不
見覓之無蹤遂歸幃中有畫松木一株仙人藥笈在下崔未
之曉請問李含光先生先生曰此葛仙公第三子之所畫也
意謂得道者壽若松栢之謂也

抱一嘯傲盧鴻磬折

武仙童碑云抱一嘯傲昇平輕欺富貴扶踈丹桂難藏明月
之光峭絕青山莫滯白雲之跡言之不足道在其中詞多不
錄又詩一首云聖主搜羅物外人總求金闕見虛真餘余不
願彰名姓別得田園道可親仙童昔持此書與茅山朱自英
先生先生得書而使者忽不見疑卽仙童自至也仙童姓武